

Visoki predstavnik donio odluke o specijalnom revizoru za Federaciju i RS

Visoki predstavnik, Paddy Ashdown, danas je donio dvije odluke kojima je ustanovljena pozicija specijalnog revizora u Republici Srpskoj te produžen mandat specijalnog revizora u Federaciji Bosne i Hercegovine.

Mandat sadašnjeg specijalnog revizora FBiH, gđe Dale Ellen Ralph, je produžen, a gđa Ralph je imenovana da istovremeno obavlja i dužnost specijalnog revizora RS. Visoki predstavnik će odlučiti na koji period će se odnositi to imenovanje.

Specijalni revizor će biti odgovoran za kontrolu računa entitetskih i opštinskih ustanova i javnih preduzeća. Biće to nastavak angažmana koji je započeo specijalni revizor OSCE-a u partnerstvu sa entitetima, i značiće dalje jačanje lokalnih organa vlasti kako bi i sami postali efikasni čuvari javnih sredstava.

Zadatak specijalnog revizora je da osigura poduzimanje svih razumnih mjera za sigurno prikupljanje i čuvanje sredstava, da osigura da se raspodjela sredstava odvija uz potrebna ovlaštenja i u adekvatne svrhe, kao i poduzimanje svih razumnih mjera da se osigura ispravna upotreba javnih sredstava.

Specijalnom revizoru dozvoljen je ulaz u prostorije ustanova čija se revizija provodi, te ima pravo na puni i slobodan pristup relevantnim informacijama.

Vrhovni zavodi za reviziju Federacije BiH i Republike Srpske pružće specijalnom revizoru svu pomoć potrebnu za obavljanje njenih dužnosti.

Specijalni revizor neće objavljivati nikakve informacije u toku svoga rada, ali će izrađivati izvještaje o reviziji za ustanove čije poslovanje pregleda i za OHR, kao i za Vladu RS, NSRS, Vrhovni zavod za reviziju RS, u slučaju revizija koje se provode u RS, odnosno za Vladu Federacije i Parlament Federacije (te vlade i skupštine kantona u kojima je vršena revizija) i za Vrhovni zavod za reviziju Federacije BiH, u slučaju revizija koje se provode u Federaciji.

Cilj odluka visokog predstavnika je da zaštititi javna sredstva, kako bi se prihod prikupljen od poreskih obveznika trošio na škole, bolnice, puteve i druge legitimne ciljeve, umjesto da nestaje u džepovima nepoštenih birokrata, političara ili biznismena.